

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
Služba za ekologiju, komunalne poslove i mjesne zajednice

Broj:09-45-8007/21 LG
Zenica, 10.05.2021.godine

STRUČNA SLUŽBA GRADSKOG VIJEĆA

PREDMET: Izvještaj o poslovanju Javnog preduzeća „Vodovod i kanalizacija“
d.o.o. za 2020. godinu

Programom rada Gradskog vijeća Zenica za period 01.01.-31.12.2021. godine predviđeno je razmatranje Izvještaja o poslovanju Javnog preduzeća „Vodovod i kanalizacija“ d.o.o. Zenica za 2020. godinu.

Kao jedan od obrađivača materijala dajemo stav na isti kako slijedi:

Dostavljeni godišnji izvještaj o poslovanju ovog preduzeća sadrži :

1. Izvještaj o poslovanju za 2020. godinu , sa iskazanim osvrtom na:

- opće podatke o preduzeću;
- poslovanje preduzeća kroz oblasti vodosnabdjevanje, kanalizacija, javne nabavke, statusi predmeta zaključno sa 31.12.2020.godine, zaposlenost, plaće i ostala dodatna primanja iz radnog odnosa, bilans stanja, ukupna potraživanja i ukupne obaveze, novčana sredstva, ukupni prihodi i rashodi poslovanja, poslovni rezultat i investiciona ulaganja;
- razvojni projekti – Vodosnadbijevanje i odvodnja otpadnih voda BiH II; Sakupljanje i tretman otpadnih voda i Izgradnja regionalnog vodovoda Plava voda;
- rezime značajnih parametara;
- zaključna razmatranja;
- prilozi koji uključuju: Pregled proizvedenih, isporučenih i fakturisanih te količina neprihodovane vode za 2020.godinu; Struktura ukupnog prihoda; Struktura ukupnog rashoda; Pregled potraživanja od kupaca; Pregled fakturisane i naplaćene realizacije; Pregled investicionih ulaganja; Pregled ukupnih potraživanja od kupaca za period 1995. do 2020.godina; Pregled obaveza i potraživanja za period 2004. do 2020.godine i Dijagram karakteristika u vodosnabdijevanju 2001.-2020. godina.

Uz Izvještaj je dostavljena Odluka Nadzornog odbora broj: 101-5840/21ŠS od 06.05.2021. godine i Mišljenje odbora za reviziju broj: 101-5700/21 ME od 29.04.2021. godine.

2.Finansijski izvještaj za 2020. godinu sa Nezavisnim revizorskim mišljenjem - Društvo za reviziju, računovodstvo i konsalting „ETIC“ d.o.o. Zenica.

Uz Izvještaj je dostavljen Zaključak Nadzornog odbora broj:101-5841/21ŠS od 06.05.2021. godine

3. Izvještaj o radu Nadzornog odbora za 2020. godinu sa Izvještajem o radu i ocjenom rada direktora preduzeća.

Rad direktora preduzeća ocijenjen je kao profesionalan i uspješan.

Uz Izvještaj je dostavljen Zaključak Nadzornog odbora broj: 101-5706-1/21 ŠS od 06.05.2021. godine.

4. Izvještaj o radu Odbora za reviziju za 2021. godinu.

Snabdijevanje vodom, u 2020. godini, bilo je kontinuirano, odnosno bez redukcija. Vodosnabdijevanje Grada Zenica vrši se sa tri izvorišta: Kruščica, Strmešnjak i Klopče, te Babine rijeke kao otvorenog vodozahvata. Od ukupno proizvedene količine pitke vode za vodosnabdijevanje Grada Zenica u 2020. godini, na izvorištu Kruščica proizvedeno je preko 84%. Generalno posmatrajući, u 2020. godini proizvedeno je 0,90 % više pitke vode nego u 2019. godini. U odnosu na Plan za 2020. godinu, proizvedeno je 0,20% manje pitke vode.

U okviru kontrole kvaliteta vode u 2020. godini kontrolisano je ukupno 5.594 uzoraka vode.

Kada je u pitanju drugi najznačajniji segment aktivnosti Javnog preduzeća "Vodovod i kanalizacija" d.o.o. Zenica, tj. održavanje kanalizacione mreže Grada Zenica, u 2020. godini je evidentirano 1.151 intervencija na fekalnoj kanalizaciji i 7.587 intervencija na kišnoj kanalizaciji. Aktivnosti na održavanju kišne kanalizacije realizovane su kroz godišnji ugovor zaključen između javnog preduzeća i Grada Zenica.

Javno preduzeće "Vodovod i kanalizacija" d.o.o. Zenica je u 2020. godini ostvarilo neto dobit u iznosu od 211.139 KM. Detaljni finansijski pokazatelji poslovanja preduzeća u 2020. godini mogu se dobiti na osnovu podataka iz priloženog Izvještaja ovlaštenog revizora.

Svi materijali bit će dostavljeni u elektronskoj formi, putem e-maila.

S poštovanjem!

DOSTAVLJENO:

1x naslovu

1x Sektor za javna preduzeća i javne ustanove

1x u spis



POMOĆNICA GRADONAČELNIKA

Belvida Sabira, dipl.inž.građ.